周

易

詳

說

周易詳說卷之十 天尊地里乾坤定矣里高 緊解上傳 爻大義并蓍筮布揲諸法而大旨在属僻則繫 而言而此二翼多釋作易樂辭之意雖重言象 如繋解焉而明吉凶繋解焉而命之皆指文王 此十翼文也舊以上条下条上象下象上繁下 辭名爲特日傳者 繁文言說卦序卦雜卦為十翼繁辭者属辭也 W 22. 1 别于經也。 以陳貴賤位矣動靜有常 三原劉紹攽註

剛 V 在 甲川 易斜 雷 地成形變化見矣是 **采斷矣方以頻聚** 坤 此 之品 順定者不 列 至變 霆潤之以風 言作易之本由乾 其 而 地靜 為 菜 性 象重濁 情 化見矣皆 類 也 聚羣分則愛 而陽 可 移也天高 有此 刚陰柔之爻明本天之 雨、 者含 物 就 形體 日 月運行 乾 故剛柔 以奉分吉凶生矣在天成象 而 坤 地里而 惡相 而 之 爲 坤) 尊早 即 而言天 推及六子也自 質則 相摩八 攻 寒 上貴下段之 默運潜移而變化 而吉凶生清 地 有此性情之 暑 排 其形體 方向、 相盪鼓之 天尊 也、乾 位 本 輏 健 杳 地 地 著

押以簡 乾道成男坤道成女乾知大始坤作成物乾以易 司办半定 顯此皆象之見干乾坤者也夫乾剛 也乃以推移摩盪之法而鼓之潤之運行之以此 推彼以彼推 六子生焉雷霆風雨即震艮巽兌也日月 與雷盪風可與澤盪都是言交易 乾坤之成 柔二畫 相摩、 相推摩而畫為八卦 雷 列 與風摩。 此、 而已 往 Ш 榕 與濹摩八 來如寒暑然 村 語 錄日剛柔相摩是 又即八卦 卦 坤 而總要之 相 盪 相 柔 則山 盪 即坎離 即此 移 刚 如、 而

易 之業易簡而天下之理得矣天下之理得而成位乎 **厕可久有功则可大可久則賢人之德可大則** 尾多言诗 順 故曰作始之成之干端萬狀總不外于至易至節 成物景氣者主之而已故曰知成形則者其能焉 坤體而爲震坎艮之三男坤入乾體而爲巽離 而 之三女秉乾而有氣故乾資始秉坤而有形故坤 此 **린**ﻪ 由六子而遡乾坤蓋六子皆原于乾坤也乾 易知簡則易從易知則有親易從則有功有親 7 賢

周易辞歌 人卷十一 化 此明易簡爲作易之原也易知則不遠人以爲道 故有親易從則點人夫婦皆能故有功有親則得 守寶位參天兩地豈外是焉 業易簡而已故易簡則得天下之理而成六位以 乎同然不易之理故可久有功則極乎推準無外 夫所謂天下之理得者繫辭也前未明言繫辭故 之規故可大可久可大者賢人之德業也天地德 八設卦觀象繁辭焉而明吉凶剛柔相推而生變 右第 章言天地自然之易以明作易之原 ___

之道也 者進退之象也剛柔者晝夜之象也六爻之動三 是故吉凶者失得之象也悔吝者憂虞之象也變化 其中 此以繋辭直揭之辭因象繫象由卦生迨辭繫而 吉凶之理明矣象著而變化之理顯矣象者何剛 吉凶悔各皆辭也變化剛柔皆象也失得憂虞以 柔交錯也言吉凶而悔客在其中言變化而占在 生也三極之道兼造化人事言辭與象俱在其中 八事言辭因象緊也晝夜進退以造化言象由卦 極

解也 其占是以自天祐之吉无不利 是故君子居則観其象而玩其辭動則觀其變而玩 是故君子所居而安者易之序也所樂而玩者爻之 觀者觀其大意玩者詳審而精求之也解因象緊 ーフェニトコ 有自然之序馬樂而玩者知也紬繹爻辭知之明 而後能行之力也 序卦是也天道之消息盈虚人事之存亡得喪皆 居而安者行也易之厚即上下篇次第孔子謂之 W. ..

家省言乎象者也爻者言乎變者也 馬多首萬 陽而日九是將交陰者也陰而日六是將交陽者 係爻言乎爻之變以旁通其一節之理爻者交也 文王係条言平卦之象以曲盡其全體之蘊周公 謂所占之爻辭觀之玩之所以篤于行也四其字 之所以致其知也變以揲蓍所得陰陽老少言卢不觀象則無以知辭居者靜而無事之時觀之起 也故曰變然各爻自有本義未可兼之對而言 兼条爻言 右第二章言聖人作易之事 W. 老士

吉凶者言乎其失得也悔吝者言乎其小疵也无咎 是故列貴賤者存乎位齊小大者存乎卦辯吉 者善補過也 存平解憂悔吝沓存乎介震无咎者存乎悔 引か兵と 貴初二 **彖爻之辭爲筮而設故吉凶悔吝无咎者斷占之** 此此卦所由立辭所由緊也 何 于悔吝而吉凶之來以順受之全易精義皆在于 凡例也然无咎行乎四者之間葢能補過則不至 以補過必從位與卦與辭而求之外貴內賤五 四上賤以位言也小謂陰大 1 22. 1 E 凶者

易與天地準故能彌綸天地之道 是故卦有小大辭有險易辭也者各指其所之 た。上次分別をす 易小險貴易賤險而辭各指之其以辭爲占如此 補矣。 也震厲也厲而无咎者惟其悔而知變變則過可 言卦則辭該焉險者凶悔吝也易者吉无咎也大 比而衡之卦名生焉彖爻有解吉凶見焉吉凶者 事之已成必有幾後之介焉所以使人謹于幾先 傳之綱領也 右第三章釋卦爻辭之通例 和一 以上三章上下

仰以觀于天文俯以察于地理是故知幽即之故原 司马片记 始反終故知死生之說精氣為物游魂為變是故知 鬼神之情狀 則 終而死生以 推其陰陽之 其中焉华則也稱滿也說文云開弓也謂弓開則 故 滿也王肅云綸者變裹也統之爲包絡之義 魏升 何也以易之作則乎天地而天地之這皆彌 仰 觀俯察則乾坤成列而陰陽以分陰陽也 **興降散** W. I 5.明原始則陰精陽氣聚而爲物反 初聚者日 原始陰陽之旣分者 而為變而鬼神無疑易以為象象 終

過旁行而不流樂天知命故不憂安土敦乎仁故能 與天地相似故不違知周乎萬物而道濟天下故丕 原多言言 地知似天徧物而不逐物其行不流樂天知命義 理不窮于氣影何憂之有仁似地安於所處厚 不違不過天地不能違不能過也所謂彌綸天地 陰死則爲陰中之陰鬼也 中之陽死則爲陰中之陽神也小人生爲陽中之 而玩解玩占歷歷知之 之道者也知周萬物其知似天道濟天下其仁 1 SET -謝梅莊日君子生爲陽

範圍天地之化而不過曲成萬物而不遺通乎晝夜 乙道而知故神無方而易無體 陰一陽之謂道 謝梅莊曰知仁似天地統言之範圍天地之化而 無體也非與天地準其安能之 神統言之通乎查夜之道析言之知其刻分消長 所性其愛普矣 之故矣所以天地之道無方而易之彌綸之者亦 不過析言之曲成萬物而不遺矣知幽明生死鬼 右第四章言易之本于天地

周易詳記 知故君子之道鮮矣 仁者見之謂之仁知者見之謂之知百姓日用而不 道也 性與善非二物道性善自孔子始 易準天地天地之間陰陽而已其對而选運所謂 如繼體繼志之繼天賦人受交接之間也善者純 繼善成性以後不特人與物異就人之中仁知之 粹至善成之者謂體質已具理即賦焉理者性也 見各倚於所稟百姓之思行智而不知故仁義合)者善也成之者性也

生生之謂易成爲之謂乾效法之謂坤極數知來之 引力を記 原を一一 謂占通變之謂事陰陽不測之謂神 顯諸仁藏諸用鼓萬物而不與聖人同憂盛德大業 至矣哉富有之謂大業日新之謂盛德 有如仁顯乎外而用藏乎內震動萬物而不假聖 生生演易之法也天垂象地效法效者呈也陽 有日新陰陽互根也天地之道如此。 者有如是也 八憂世之憂此正向所謂盛德大業而各得其至 之道鮮矣此聖人所以有憂也 仁與德陰也用與業陽也顯藏富

月一/Jungue 正以言乎天地之間則備矣 夫易廣矣大矣以言乎遠則不禦以言乎 邇則靜而 生生不窮陰陽互根也易之道如此極數知來推 變陰從坤始故推發轉變其法者於坤見之而後 極其數則可以彰往察來天之高星辰之遠其故 於此後世占驗諸術亦皆不外於極數知來耳 之事吉凶變化皆本於易 推極其三百六十四爻之數以為彰徃察來占 可坐而數亦以數在耳邵子元會運世之說葢本 右第五章言易之本於陰陽 15 乾陽坤陰占陽事陰

翕其動也闢是以廣生焉 りか片む 夫乾其靜也專其動也直是以大生焉夫坤其靜也 天地心 以乾坤二卦言之乾之心 席旦暮不待安排而自不偏靜而各正此所以配 廣无所不載大无所不覆以言乎遠則千載六合 其動也直遂是以乾一之氣无一 大坤之事順而無為其靜也翕聚其動也發散是 以坤二之氣承天時行度量極其廣 不以至遠而不到莫得而樂止之以言乎通則几 1 而不 一不到規模極其 一其靜也專

居多言诗 善配至德 廣大配天地變通配四時陰陽之義配日月易簡之 乾奇也如長华然以為表率取其直也當其勿用 **鋯行代明並行不悖者易皆有以配之措之人事** 其无事而爲圖其中莫得而見也有事而啓之其 大生廣生則廣大配天地矣而不止此凡天地間 出不窮矣孰得而拒焉 則臣易至簡而配乎仁義體智之聖德所謂 而撓焉坤耦也如大門然以通出入取其闢也當 而放倒塊然 グラナ 物耳用而豎之軒然直上矣誰得

天地設位而易行乎其中矣成性存存道義之門 崇禮卑崇效天卑法地 子曰易其至矣乎去易聖人所以崇德而廣業也知 易非僅一筮之書聖人所以具易理于心而崇為 體易理于身而廣業也益德業出于性性之德知 之道也 天知識高明德豈不崇禮如地践履平寔業豈不 則清明而其崇如天體則為寔而其卑象地知如 アミドト 右第六章言易之廣大本於易的 1

居 多 高 高 故謂之象 聖人有以見天下之頌而歲諸其形容象其物宜是 順者物理之繁各有形容提之未畫之先 其中聖人于本成之性存存不已而性中統體之 新富有者无異此易之所以配天地也 道散殊之義莫不由此出焉與天地之變化而日 不唯德業崇廣也自天地定位而三才之道行乎 易之事 右第七章言聖人體易于身以起下文君子學 以上四章摠申明首章之義 一人卷千二

亂也 聖人有以見天下之動而觀其會通以行其典禮繁 辭焉以斷其吉凶是謂之爻 言天下之 此辭所由繫也 **順繁也雜也不可惡謂其理明詞當卦名彖辭是** 也至動謂三百六十四爻總歸于寡過而已故不 動者事為之變一事必觀界埋之統會而會中見 宜象之旣畫之後此象所由立也專以条言 アニト 理之可通乃即其可通者定為典常而可 至順而不可認也言天下之至動而不可 / 21.

鳴鶴在陰其子和之我有好爵吾與爾靡之子曰君 擬之而後言議之而後動擬議以成其變化 居其室出其言不善則千里之外違之況其邇者乎子居其室出其言善則千里之外應之況其邇者乎 周易許部 言出乎身加乎民行發乎邇見乎遠言行君子之 後動言動之間無不當可所以成變化也 擬威當而後盲以吾之動與易之理計議不差而 君子于是有觀玩之學焉以吾之言與易之理比 機之發榮辱之主他言行君子之所以動天 亂。 一人先十

或語二 周易詳說 也可 同人先號咷而後笑于日君子之道或出或處或默 初六藉用白茅无咎子曰芍 錯諸地而可矣藉之 或明或闇弩牙之發或甲或否統言行之動從自 如蘭也 交友宜擬議以道相合其利斷金者言其機利能 言行宜擬議以誠爲本樞戸樞機鬥牙戸樞之轉 發以及物或是或非也 不慎乎 于金其具如蘭者吐發言語氤氲臭氣香 同心其利斷金同心之言其臭如蘭 人长十一 土

慎斯術也以往其无所失矣 恭以存其位者也 勞謙君子有終吉子日勞而不伐有功而不德厚之 茅何咎之有慎之至也夫茅之爲物薄而用可重也 **亢龍有悔子曰貴而无位高而无民賢人在下位而** 至也語以其功下人者也德言盛禮言恭謙也者致 无輔是以動而有悔也 有功勞宜擬議以謙爲吉 處物宜擬議以敬為基 居高宜擬議以亢為戒亢者謙之反也

引力半見 子曰作易者其知益乎易曰負旦乗致寇至負也者 處幾宜擬議以密爲要 益思奪之矣上慢下暴盗思伐之矣慢藏海盗冶八之事也乘也者君子之器也小人而乘君子之 則失臣臣不密則失身幾事不密則害成是以 ·慎密而不出也 戸庭无咎子曰亂之 **晉**旦乘致寇至盗之招也 1/20. 所生也則古 器亂無從生矣

地數三十儿天地之數五十有五此所以成變化而天數五地數五五位相得而各有合天數二十有五 行鬼神也 天數五謂一三五七 得本義謂一與二 サイ 一與四五與六七與八九與一九地數五謂二四六八十二

阿易詳說 變化皆在于是而 況區區 光衍乎 右第十章明著之變化生于天地奇耦之 諸儒皆以此章為明河圖之數今之所謂 親俯察近取遠取不言河圖也即日河出 煮葢 **之類爲三** 則之亦與神物變化垂象四者 氏以來未有言及之 與十皆兩相合五奇之 十合為五十有五即凡鬼神 **咒繁解言作易之故** 回 置 図

再閏再扐而後掛 以象三操之以四以象四時歸奇于扐以象閏五 兩分之左右以發兩儀又取右著 **行之數五十其用四十有九分而為**| 地之數五十有五獨用五十者啓蒙云五爲五 如火然太上之大行者推演即洪範演成之行 以象太極故曰其用四十有九乃以四十九卷 事故余不以此章明河圖 所因而自 不專重河圖也啓蒙亦以河圖爲易中之 无所四 故虚之 則但為五十拾去其 華掛之 兩掛

乾之 策二 司马羊兔 變也 掛 此 最小指之間以象三 餘仍歸工 之樂春夏秋冬之四時奇者所撰之餘劫者始之 者即再物也四時更五歲而得再閏蓍筮者合兩 分 一獎也然卦不 丁當期之日一 卦二 扮之指尖也向已 百 撲為五節可當五歲而亦得再閏是再 此是歸奇于扮也此象閏也閏者餘也 十有六坤之策百四十有四凡二 二篇之策萬有一 變著不 掛奇于此今又以四撲 于是以四數數著而連撥 揲當有 再數其餘 一千五百二十 一元 百

萬物之數 有 THIS THIS ! 百 四卦三百八十四爻陰陽相半所得萬有 即以犬衍冤言之陽數九而乘之 可以當三百六十日 二十之策可以當萬物之 陰則當有 以撰四之 十六此陽爻 四 八策 节爽日 也 百 則派此犬衍五十而合乾坤所得之策 フノラー 百 ス 小也以 期之數合上下二 四策荀爽日 就有上 百八十 白 四此陰爻 以操四之 則當有 四六 一經六 百九 心地地 可 四

用多詳鉛 八卦而小成 是故四營而成易十有八 營求也四營調分一 之八卦是爲小成 **营矣故從朱子之說朱子木之唐一行** 郭白雲謂前一 丁有八 變而成卦 舉其大成也方其九變而得內 成變者變易謂一變也三變成爻六爻成卦 四得四千六百十二 **變掛後二變不掛則三營而非四** 八策合之為二策監炎一二 桂 、變而成卦 撲四歸 新 也 易 儀 于 是 一百萬九 共 千五百二 無父で

子曰知變化之道者其知神之所為乎 顯道神德行是故可與酬酢可與祐神矣 引 **變化之道即上文撰著之事神即天地** 與人相答問而助神明之功 顯道明吉凶之理神德行決趨避之 也以六十四卦之事類合之變卦是隨其所觸而 **卦成而有變卦引六畫為十二畫是引而伸長之** 而伸之獨類而長之天下之能事畢矣 右第九章言撰舊之事 |機酬酢者 如

以制器者尚其象以卜筮者尚其占 孰能與於此 一如嚮无 以君子將有為也將有行也問焉而以言其受 總見之于卜筮之尚占然則卜筮可少哉 尚柔者包機神農黃帝各有其事如後所云也而 以言尚辭者繁辭也以動尚變者楪 如嚮者謂相向面告也 クミと 有遠近幽深遂知來物非天下之至精其 命皆告也神告之 道四 焉以言者尚其辭以勁 ~謂之 命

執之掛之扐之自下而上執而撰之掛扐合而置 手自彼入此故曰參伍彼此相参也四替之後 謝梅莊曰以揲蓍言麥雜也右刻之 之自上而下如縱布帛之 以變錯綜其數通其變遂成天地之文極甘 一村当待所謂分而為一以象兩也綜者或一劫之策不分左右合為一變故曰 伍鍇者一 下相流行所謂掛 王變其熟能與於此 採四歸亦再以 策掛切于左

周易详配 | 一一一 速不行而至 天下之至神其孰能與於此 天易聖人 ·之志 唯幾也故能成天下之務难神也故不疾而 志者明民之心成務者利民之用 无有遠近幽深是極深也然伍錯綜是研幾也 謝梅莊曰以求卦言卦无思无為而著有思有 **蓍**威之則卦通之矣 心思也无為也寂然不動感而遂通天下之故非 ()之所以極深而研幾也唯深也故能通天 封言定天下之象以六爻言 大

是故者之德園而神事之德方以知六爻之義易以 業以斷天下之疑 斯而已香也是故聖人以通天下之志以定天下之 子日易有聖人之道四焉者此之謂也 十日夫易何為者也夫易開物成務冒天下之道如 易兼着卦言卦以開物著以成務天下之道不外 **承開物言定業斷疑承成務言** 是矣物謂物之理開謂人所未知者開發之通志 通志成務歸于解象變占四者而已 右第十 章言撰蓄求卦之事

貢聖 來知以 周易許說 而不殺者夫 獻于 通故知六爻者交易變易而貢之貢獻也以吉 圓也封方者卦以八爲數八 耦則方也著有思有為故神卦无思无為威而遂 有著卦六爻而憂世覺民情不獲已出其吉凶 圓者著以七為數七七四, 同其憂患而著神 以此 八也聖人平印以神知易洗濯其心心中 [其熟能與於此哉:古之聰明嚴知神武 《卷一 洗心退藏於密吉 知來來以 凶與民同患神 四象陰之 엪

用。 是 以明於天之道而察於民之故是興神物以前 有時而不神是以聖人知天之道不遠于人而 必先問之而又教人以洗心之道將有問必先齊 乙心多蔽于欲于是既教人以撰蓍之法解有 神物也但人不能洗心以神明其德則神物亦 趣吉避凶各知憂患又安所用刑殺哉 戒之也洗心者體易之 人以此齊戒以神明其德夫 闔戸謂之坤關戸謂之乾 聰明春知神武而不用刑殺者也)事齊戒者用易之事

手り兵む 是故易有太 謂之法利 能也 卦定吉凶吉凶生大業 卦之德方 曲 封畫而 推卦所由生 **陽判而奇** 窮謂之通見乃謂之象形乃謂之器側而 戸也故以戸譬之葢木于乾坤而極于民用也 吉凶大業從此出則著之能又莫非卦之 用出入 謝梅莊日 八極是生 **期形四象者陰陽分老少而八卦畫** 1/20.1 (知媒蓍者誰不求卦猶出入者誰 也太極者陰陽未判之名兩儀者陰 民成用之謂之神 宋儒 兩儀兩儀生四象四象生元 _ 不極圖生 111 用之 业 业

莫大乎日月崇高莫大乎富貴備物致用立成器以是故法象莫大乎天地變通莫大乎四時縣象著明 馬上言言 為天下利莫大乎聖人探賾索隱鈞深致遠以定天 下之吉凶成天下之亹亹者莫大乎蓍龜 歷舉天地間之大者以與蓍龜之大天地四時日 山澤雷風水火並不言五行也 非孔聖所謂太極也孔聖論伏義卦位止言天地 即畫針以生吉凶成大業者也 即闔闢變通形器者也處崇高之位備物致用 制法使民咸用者心亹亹勉也定吉凶战事

司易羊足 所以斷也 易有四象所以示也繫辭焉所以告也定之以吉凶 **黎見吉凶聖人象之河出圖洛出書聖人則之** 是故天生神物聖人則之天地變化聖人效之天垂 詞所以明告也至于占辭之有吉凶所以斷 象所以昭示也有畫無文人不易知繫之卦詞交 祥河圖洛書謂陰陽奇耦此聖人作易之原也 神物即者龜也變化謂寒暑晝夜垂象謂七政災 人效法天地圖書而作易因有陰陽老少之 爻之得失也 1/245 T 四象自漢以來皆謂七八九十 É 卦 四

者順也人之所助者信也優信思乎順又以尚賢也 是以自天祐之吉无不利也 易日自天祐之吉无不利子曰祐者助也天之所助 月月三言言 此交而赞之 聖人之作易也如彼君子學之則行无不順事无 不信旣順且信卑以自牧見賢思齊夫如是體易 于身天必祐之可以當大有上九之一爻矣故舉 即朱子太陽少陽太陰少陰之說 以上四章總申明第一章剛柔生變化及觀 一章合蓍卦而對之

引り半段 盡其言變而通之以盡利鼓之舞之以盡神 子曰書不盡言言不盡意然則聖人之意其不可見 乎子曰聖人立象以盡意設卦以盡情偽繫辭焉以 謂文周變通鼓舞以揲蓍言 之以行鬼神无不盡也 而情偽盡繫之辭而言盡而凡通之以利用占卜 意不可見而易不爾也立之象而大意盡設之卦 繁辭而爲書卽言也言亦有不盡意者夫不盡則 則緊聯要矣然而緊辭者書心書亦有不盡言者 變玩占之義 1/2/21 1 立象設卦謂伏義繁雜

事業 謂之變推而行之謂之通舉而錯之天下之民謂之 是故形而上者調之道形而下者謂之器化而裁之 乾坤其易之縕耶乾坤成列而易立乎其中矣乾坤 毀則无以見易易不可見則乾坤或幾乎息矣 惟夫陰陽道也而聚之為形形上爲道即乾坤之 理聖人所欲言之意也形下爲器器爲物卽乾坤 坤成列而剛柔生焉向非成列則無以考其推 之跡而凡一陰 所謂意言不盡中有盜奧者則藏于易之乾坤乾 WIN THE 陽之謂道亦以爲止此已矣 Ė 移

化而裁之存乎髮推而行之存乎通神而明之存平 其物宜是故謂之象聖人有以見天下之動而觀其 リアドと 極天下之頗者存乎卦鼓天下之動者存乎解 會通以行其典禮繫辭焉以斷其吉凶是故謂之交 是故夫象聖人有以見天下之蹟而城諸其形容象 而再致意焉非重出也象卽彖爻卽辭 形為道而措為事業者 卦即象辭即爻再言以致丁寧之意 行為通錯為事業皆不外乎乾坤也 質聖人所立之象于焉推之分之化裁爲變推 ·總于象爻具之故即前言

其人默而成之不言而信存乎德行 馬多高萬 辭也德行者有得于言而能見諸行 之恐人之務于言而忽于行也故於之以德行設 名繁 詞次章即云繁辭焉 而明吉凶篇內復屢言 化裁推行動而觀變玩占神明默成居則觀象玩 卦繁辭總歸于寡過而已 其中者也。 右第十二章申明卦爻辭之義以起下傳首章 出德行所謂德行者即體易簡之理而成位 一条十 一緊末章歸重德行下緊末章亦首揭 **=**

周易詳說卷之十二 上繫是說易經大本大原下繁是 原劉紹依莊

建時者也 吉凶者貞勝者也天地之道貞觀者也日月之道旨 万 《 百 点 明者也天下之動貞夫一者也 | 凶俯吝者生乎動者也剛柔者立本者也變通者| 俯吝緊于家交而動有可考 通為用變通由于刚柔故剛柔相推而變在其中因動而繁故繫辭以命而動在其中剛柔為體變 固有僥倖獲福无妄生災者然非其常也必以其承吉凶悔吝生乎動言動亦何傷貴于正耳天下 承變動言動則吉凶生而悔吝者吉凶悔吝之

此 罰 者也象也者像此者也爻象動乎內吉凶見乎外乾確然示人易矣夫坤憤然示人簡矣爻也者效 承貞一言確然健也隤然順也總 易簡是也 吉凶見于波功業因之以生聖人憂之故繫以辭爻所以效法乎此象所以取象于此爻象動于此 業見平變聖人之情見平辭 易半允 而情因以見矣 常者而光明天下之動亦常夫 者為勝天地之道以常義 一題而已一 示日月之 **瓜交象動于此** 外易簡而已 者何 道

大地之大德日生聖人之大寶日位何以中 何以聚人日財理財正辭禁民為非日義作 前大生坤廣生故日大德無位則獨善有 人而安能不散不外于財財者食貨是也日 人而安能不散不外于財財者食貨是也日 外非防好則義安可忽哉下文所列十三卦 對正辭禁民為非之事也 財正辭禁民為非己執作 何 一名定 財 必 有則此道

男羊 離為繁 結絕而為網

器以

個以漁

遊取

諸 圖書以相求讀此自當憬然返矣可見圖書為易中之一義世之談易者必薛諄執 此言伏羨畫卦取象天地 氏没神農 目相 下葢取諸金 為鄉爲贏為蚌為龜故有此象 承中久以巽繩牵之 ,卦以通 13 - 1 :08 文與地之宜)神明之 德以類萬物之情 人物並不及河圖浴書 如 取諸 網罟然 離 = 離為目

之使民宜之易窮則變變則通通則久是以自天施 其所葢取諸噬嗑 日中為市致天下之民聚天下之貨交易而退各得 神農氏没黃帝堯舜氏作通其變使民不倦神而化 耜者犁之入土者也来即耜柄以曲水為之益上 始離次益次噬**虛所取者食貨而已**洪範三八政 以震足是耕象也 巽下震中爲艮坤巽木入土而前動以艮手後動 食二貨 離下震即日中之動也 7 -合沙鄭氏日十 三

坤 服 **震為馬而艮手實足從之故有此象牛者** 于黃帝堯舜故總其變通趣時之用而極論之 變通取乾坤之義上衣下裳取乾坤之象 象濟不通以渡言致遠以沿诉言 為舟剡木為楫舟楫之利以濟不通致遠以 乘馬引重致遠以利天下葢取諸隨 木使空则木使銳與上巽下坎以沐乘水行舟 取諸涣 **小治葢取諸**乾

弦木為弧 周易祥说 斷木 過 非也 為盗即暴客也待暴客與威天下皆所以禁民為 為 門擊柝以待暴客葢取諸豫 旨 張弦于木則為弘剡木銳頭則為矢離為戈兵免 慶仰孟似日艮為倒憲亦日也中二陽為**件** 震下坤坤爲問戸震爲有聲之木三五互坎坎 為杵掘地為日日杵之利萬民以濟盡取諸小 剡木為矢弧矢之利以威天下葢取諸聚 《卷十二 P

過內巽為木外兒倒巽亦為木兩木相夾四陽如居喪之期無日月之數後始易之以中棺外椁大古建以薪裹尸如衣然不封土為墳不樹木為識數後世聖人易之以棺椁葢取諸大過 古之整者厚水之以薪塟之中野不封不樹喪期无 棟屋脊標也字欄也雷兩動于上而三陽承之如以待風雨葢取諸大壯 棟宇然。 古穴居而野處後世聖人易之以官室上 折故有 棟

問 棹之 以察葢取諸 古結繩而治後世聖人易之以書契百官以治 在中棺椁之象之 作自黃帝始 央 也 JL

是故易者象也象也者像也 **冢者材也爻也者效天下之動者也是故吉凶生而** 于天地人物象者何肖其形也以此二句結十 未得經古者也 不得則取其義如以豫為豫備夬為明決之意皆 **封可見十三卦皆取象非取義也諸家求其象而** 觀聖人之制器取象于卦則知聖人之作易取象 **置卦而備于書契也** 故叠引以明之以為觀象之要 右第二章 言制器尚象之事葢易之所重者象

悔吝著也 陽卦多陰陰卦多陽其故何也陽卦奇陰 局易許說 立 以衆材言陽卦震坎艮一陽而二陰陰卦巽離兌 未吉未凶而悔吝巳著也 前章論卦此專論衆爻材者材具為一 不必二偶也 爻辭效人事之羣動是以有得有失而吉凶生或 一不必二 **陰而二陽何也陽以剛爲本有一奇則陽之本** 何也陽一 一奇也陰以柔爲本有一 グギニーご 君而二民君子之道也陰二君而 一偶則陰之本立 六 一卦之質翰 卦偶

同歸而殊途一致而百慮天下何思何慮日往則月易日憧憧往來朋從爾思子曰天下何思何慮天下何處不不知過天下正治亂得失未有不由此者 自一身志氣形神之德以及天下國家其善惡邪 民主權一而役效職是爲治世君子之道陰卦二 德行謂卦之義理陽爲君陰爲民陽卦一君統二 往則日來日月相推而明生焉寒往則暑來暑 相推而歲成焉往者屈也來者信也

以存身也精義入神以致用也利用安身以崇德也居信相感而利生焉尺蠖之屈以求信也龍蛇之蛰 過此以往未之或知也窮神知化德之盛也 其處莫非自然何以思慮為哉日月有往來而同 來值憧者思慮礁擾之稱然天下之事何所容于 歸于生明寒暑有往來而同歸于成歲凡往者皆 此下十 屈也凡來者皆伸也屈伸相感而同歸于感應 思慮哉凡理皆同歸而殊其塗凡事皆一致而百 一爻皆明一君之義成之九四巨憧憧

月易年兌 非所困而 危死期將至妻其可得見邓 地 增其心得者在是此下學之事也自是以上則亦 在是順利行習所處皆安練熟于事也而所 義理造平微妙用心于內也而所以推于施用 所用其力矣至于窮極造化不測之妙契合 所以求伸龍蛇之蟄乃所以存身君子為學精 自然之 困于 困焉名必辱非所據而據焉身必危旣辱 石據于蒺藜入于其宫不見其 一人の十二 機亦德盛而自致耳何所容其思慮哉 口蠖屈行虫 郭璞曰郸蜕 ţ 也 凶子

禽也弓矢者器也射之者人也君子藏器于身待時 易曰公用射隼于高墉之上獲之无不利子曰隼者 而動何不利之有動而不括是以出而有獲語成器 **向動者也** プショウショ 玩困六三爻辭凡力之不能勝者皆石也强求必 玩解上 得失固屏得亦屏也凡人之不可依者皆蒺藜也 者皆妻之類也 之可寫則動中機宜何不利之有動不括礙是以 妄處非分勢不安心亦不安也凡不得保其所有 一六爻義君子解悖之器素藏于身以待時 191 - -- 苞桑 厅多声声 亂至矣否之九五日其亡乎其亡乎殆繁于柔桑以位為可安以存為可保以治為可有則危亡與 日德萍而位单知小而謀大力小而任重鮮不 而不可以為固乎 一分

日易日介于石不終日貞吉介如石焉寧用終日 日知幾其神乎君子上交不韶下交不潰其知知安危之一致則能危以保其安 此二爻相任重必從容反是則有不勝之患 此二爻相 德厚者居位必戰競知大者好謀必謹密力! 豫六二爻義明知幾之有素也逸豫之時上交識矣君子知微知彰知柔知剛萬夫之塾 者動之 韶諛之行下交必有瀆亂之爲君子不然其 1,2,1 微吉之先見者也君子見幾而作不俟 此二爻相反 也

居 是相機而動不待終日之外其介如石則靜極生 是相機而動不待終日之別識凡事之機微矣於微而 明不待終日而斷可以識凡事之機微矣於微而 可人之知機君子之見機皆欲趣吉故夫子惟以 吉言之猶之變化云為吉事有祥云為之中豈惟 方字見兆凶事不見兆平言吉而凶寓之矣古人 文字都不說盡 鳥 未**曾復行也**易日不遠復无祇悔子日顏氏之子其殆庶幾乎有不 鲁不知 知之

地網温萬物化醇男女搆精萬物化生易日 網組交密之狀醇謂厚而凝也天地以氣升降則損一人一人行則得其友言到一也. 焉葢理 致則能見幾而作不遠而復 氣交密而萬物之氣化者莫不厚而凝焉男女 アド 施受 行見柔而知剛也 和為構 無二致 1 . 1 . VA 結 行則得其友言致 而萬物之形化者莫不生 人心不可有二故有所損而 此二 爻相似知顯微之 Ë 也 知彰 也知 而續 以

傷之者至矣易曰莫益之或擊之立心勿恆凶以語則民不應也无交而求則民不與也莫之與則後求君子修此三者故全也危以動則民不與也懼 屯 也然後取而有求君子修此三者則立心之有恒平心靜氣也然後出而為官定其交者上下交罕安其身者修身循理也然後動而為行易其心者 可知若從欲惟危誰其隨之險敗其言誰其奉之 日君子安其身而後 恩不素孚為无交而求誰其輸之皆莫之與 而傷之者至矣此立心勿恒所致也 鬼十二 動易其心而後語定其交 則整

かドを 相交其德合陽剛陰柔剛柔各分其體異于是平 而剛柔有體以體天地之撰以通神明之德 日乾坤其易之門邪乾陽物也坤陰物也陰陽合 知損益之 故引咸四以明之其下十爻義皆統於咸四終 之分君欲 右第三章由彖爻以明貞 云以恒恒者 一 風水火山澤之象動入陷歷止說之性而 (所由 出乾坤者 1.22.1 . 1 一而不欲二君者心也事物之主也 致則能損而得 也。 易所由出乾陽坤陰陰 義葢自陰場針 陽

斷辭則備矣 夫易彰往而察來而微顯闡幽開而當名辨物正言 其稱名也雜而不越于稽其類其衰世之意邪 伯曰撰數也 陰陽易簡之性有以通之此以卦象言也 韓地之撰如陰陽變化之迹有以體之神明之德 古淳朴之時思慮所及故考其類而知為衰世之 意此以卦名言 若其稱名礫而多端要不越于事理之外然非上 **参易之畫卦也由二卦而推之六十四卦彰天道 光**一二 也。 韓康 如

者推而廣之也有畫無文易道未開至文王而始道大備矣此承上兩節卦象及名辭言也 開而 者闡之使人无所疑其稱名也推而廣之命之 以辨其陰陽之物繫之鮮以斷其吉凶之占則易 名井鼎歸妹可謂小矣然其義類之 然察人事之 寓意無窮可謂遠矣然其僻之 未然顯者微之使人不敢褻) 所 關 所發則粲 則

易之與也其於中古乎作易者其有憂患乎 有第四章事論易之名辭 周易群般 之存此卦之名解所以發卦象之蘊者如此蓝以愈之病唯名小類大也藥陳兼該而有妙道精義 謂我世之意也 明其順理而得得報以吉逆理為失失報以內所 民心疑貳珠干所趣聖人欲有以濟之 然題著唯其旨遠辭文也旁通黃喻而無率合附為群般 人教干二 非上古淳朴之時乃文王身蒙大難緊節發人與 作易教

固是 地 言之践履篤建香立身之世凡處憂患之道不過反身体也 異德之制也 ÉI 修 損德之修也益德之称也困德之 遯善改 **德之基也** 起心不外躺而能復 患之意 共 恤 得 则 力 過 肵 金無 1). 安居不 謙、 川 方 围, 動可 而盛 然 且 大於是 (則大本) 基謙早自下者應物之 修德而已試舉九 以 共証 一欲損其· 而 以端、 其有源雖 之本也恒德 辨也并德之 處 军 固 彩 牟 疾 犂. 服 卦 以 MG 以 A

周 履 德之序 如: 能敬 巽,稱而隱 難 和而至謙尊而光復小而辨 物本心之復甚微而天理昭彰非羣邪所能掩 困 而後易益長裕而不設困窮而通井居其所而而至謙尊而光復小而辨于物恒雜而不厭損 始勉强而後習 之中有定而堅固不移處機亂而如 則身雖 則心平而踐履無虧尊人則自尊而德暉 窮而心自亨井 此。 熟益所固有日充裕而不造 則體雖靜而用 損所 進

履 覺悟 為 世 則 已非禮 動 利 事 物所奪 · 信 做 而不為 典, 則乖 為私欲所被恒久 困則心亨無 无本是謙 察 此反身修 怨井 戾 雖 不和是履 肵 以辨義異以行 自 則物害亦遠益已 以制乎禮良心來復已 知恒以 不自 人 何憂患之 不變終始如 則沉潜 所以和其行行 Ē 德損 而

要唯變所適 易之為書其辭雖廣其名雖**襟然切於** 易之為書也不可遠為道也屢遷 周易群說 特交易變易屢遇而不滞此二句一章大指下文人生日用不可須臾忘也其為道至易至簡然随 卦之體末推卦用此章之序亦然以為觀象者右第五章亦論象辭凡象傳先釋卦名次言兩者說 人名 法

保如臨父母其出入以度外內使知懼又明于憂思與故无有師 理使人于外內之間懼之而不犯之也又明于處然有度焉當位則吉不當位則凶悔各有一定之 於六位也葢六位之中陰陽之居上居下者无常 六虛六爻之位也隨所變易原無意必故日虛 文而言其道屢遷者以其理之隨時无定周流 所適而已典者典則要者要會此所謂變見 耦之 居剛居柔者选易不可為典要难其時緣 1

趣時則存乎其人焉 自出入以度至此皆明上 初率其辭而揆其方既有典常苟非其人道不虛行 所患雖父母之愛無以加茲矣 與循不失不必有師保之督責而慮其所憂計其 馬易南部 憂患之道與致憂患之故人荷欲免于憂患自當 在第六章示人以體爻之意上章三陳九卦專文不可遠之義所謂不易者也. 言卦也此章屡遷周流專論爻也

周易詳說 其 物也 易之為書也原始要終以為質也六爻相雜唯其時 初難知其上易知本末也初辭擬之卒成之終 進退時也 則其時勢之所極也故學易者於初辭必加擬議凡爻解初則難知上則易知以初為時義之基上 相藻惟其時物而已爻之有陰陽物也陰陽之有終而卦有定體以全卦言即象也若夫六爻陰陽此章專言爻而必先以录原一畫之始要六畫之 之功而於卒也則但成其所宪竟而已

過半矣 噫亦要存亡吉凶則居可知矣知者觀其象辭則思 夫雜物撰德辨 然可知矣至于郑者并不待玩爻辭但玩衆辭亦要求也約也存亡吉凶之理約以此法求之亦居 可知葢六爻原以發明全象也 備所謂時物者如此 柔之德以辨其所處之是非者必于中四爻而始 位則或為未遇與旣退故錯練貴賤之物撰述剛 初上二爻處卦始終于時則或為未至與旣往於夫雜物撰德辨是與非則非其中爻不備

杀之為道不利遠者其要无咎其用柔中也 居上體為宰輔之職位寔異焉繫辭之善亦有不四同陰位功則同矣而二居下體為守令之職四觀象思已過半而無如中爻雜物必不可冺也二 下勝任其義最善柔無任重之材遠非所利而易以其遠矣然遠者惟以剛中應柔中則上虛已而四近君有僭逼之嫌也四多懼以其近則二多譽同二未必皆譽而多譽四未必皆懼而多懼者以 无咎者以柔而中歸于寡過耳 を分けに 異位其善不同二 李厚菴

柔危其剛勝 越平譽懼之意應于承以剛承應于剛則隨其時義而取要皆不九五皆吉以九四承六五則凶者多矣若以柔承 之詞未必無功而多凶五之詞未必无凶而多功上為外大臣五居上體之中為人君位則異焉三危謂凶也三五同陽位功則同矣而三居下體之 與五同功而異位三多凶五多功貴賤之等也其 君貴臣賤之孙也宠而言之君弱臣庸皆 推之柔不利 那、 遠 則利近也故易中以六四承

得而阻遏之處士得而訾識之勿用之人得為胃濫有行而動多室碍有言而不能聲聞 膀之亢極之人得而尤怨之**政有**厲道 職 穾 危以 之準 右第七章因上章論爻而專論中爻以爲觀 **煩其權位專任事** 小心則以為異儒悠裕 沈艮思曰 也廣大悉備有天道焉有人道焉有地道 在 明臣良振作有為而足以 而皆識之人 則以為攬權綜 下之上為外大臣其勢竦 則以爲懈弛寬大 開朝 則

「道 焉兼三才而兩之故六六者非他也三才之道也 不當故吉凶生焉 有變動故曰爻爻有等故曰物物相雜故曰文文 備而無所遺卦之三畫初地二人三天八卦以三 易之為書統言之則廣大而無不包析言之則悉 才也因而重之為六則初二地三四人五上天蓝 陰物陽貴陰賤貴賤有等故爻有等日物柔文 三才之道非兩不行也 剛文柔故物相襟曰文文不當謂當位不當位 則無變兩而後有變動此爻所由名乾陽物 剛

司马羊兒 物不廢懼以終始其要无咎此之謂易之道也 事那是故其辭危危者使平易者使傾其道甚大 易之道也此其為道所該甚大凡百事類孰能廢 緊解危懼之意多危懼故得平安慢易則必傾覆 上古畫卦而無辭易之有辭其時當殷之末世周 盛德其事當文王與紂之事耶身經憂患故其 與也其當殷之末世周之盛德那當文王 右第八章推原上古之聖以是濟民用而辭未 也故下言文王而曰其辭危 11 11 而吉凶生爲 芦

夫乾天下之至健也德行恒易以知飲夫坤天下 至順也德行恒簡以知阻 月多言意 咎 密以審機謹以持行 此以此危詞而懼人 確然另易則心平舒徐觀變敬順探幾如自 而已 進所謂易簡而天下之 也修身之要所以寒過者也。 視山下之險而不敢輕忽坤隤然簡簡則安貞 右第九章言繁詞之要在於懼以終始懼者敬 光光十二 八以終始乎此心其要歸於无 如自 理得者 山 下 山為阻而不敢

聖 齊者 侯之二 變化者天道云為者人事變化紛紜吉事將至必是故變化云為吉事有祥象事知器占事知來 天地設位聖人成能人謀鬼謀百姓與能 **意以此判斷天下吉凶使之踴躍鼓舞而不倦此** 易簡之理平日足以說心險阻之幾臨事又能研 來物此聖人作易之 與民同患之心也 祥兆之先视象則足以知定理審占則足以知 研諸侯之慮定天下之吉凶成天下之 原也 歪

變 八卦以象告爻象以情言剛柔雜居而吉凶可見矣 聖人之能焉 近相取而悔各生情偽相威而利害生凡易之情 動以利言吉凶以情遷是故愛惡相攻而吉凶生 耦之居剛居柔者參差不齊而吉凶之理昭然可 見 象謂卦畫情謂卦詞即象之情也剛柔凍居謂於 鬼雖百姓之愚亦可因卜筮而知吉凶成<u>噩</u>亹與 天地設位于 易以成其功于是飢謀之于人復以蓍謀之于 下易簡之理已具聖人崇效單法

近而 到 易洋跄 攻 偽者 于凶已不能無事而悔各生攻取由于有所感情 惡 剛 然有吉有凶者葢靜則情止動則情遷情有愛惡 不取威 有 相攻而地有遠近位所限也迹 所 柔襍居則有變動望其吉不欲其凶以利言也 德 生也彼此相攻事極而吉凶生若未至于 不凶害悔吝者皆所 肵 應者為遠 發也威應相交而 而祖 人終一二 則凶或害之悔且各 得 則吉利 不相得而遠猶可不然 謂險阻 利害生總而論之 也 涉疑或雖未 薑 有比應

將叛者其鮮慚中心疑者其解枝吉人之解寡躁人 此聖人所以不能無詞也凡人有情皆見平解一跳多誣善之人其辭游失其守者其辭屈 道者悖理詞必慚愧而回互心疑者失要詞必持 憂患是故其詞危也 所執守之人心多浮蕩詞必屈抑而不伸聖人有 疾誣善為惡之人無寔可處詞必游移而無根失 兩端枝雛吉人有德言不妄發躁人無養言恆輕 發動 德比應五字又須知時位德之當否皆于比應上

副	, (<u> </u>		
司易详乳			學易	聖右外第
一个 包 一二			と	聖人之情見乎詢末章以辭歸結以見玩辭為右第十章 下傳首章日繁辭焉而命之又日
				詞末音
				一切蘇歸
畫				結 馬 而 命
				玩解る日